

PROCESVERBAL- Tipi i kontratës – Mallra

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE
PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: “Djegesa dhe depozita per kaldata (2 cope)”

KODI PËRKATËS NË FJALORIN E PËRBASHKËT TË PROKURIMIT (CPV): 44621221-4 -
Pjesë për kaldata me ngrohje qëndore

VLERA E FONDIT LIMIT:

Fondi limit/vlera e pritshme e kontratës: **2,500,000 (dy million e pesëqind mijë) lek, pa TVSH.**

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor ***Ndërmarrja e Shërbimeve Mbështetëse të Arsimit dhe Çerdhes, Korçë***, ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

1. KRITERET E PËRGJITHSHME TË PËRZGJEDHJES/ KUALIFIKIMIT

Ofertuesi deklaron se:

- a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;
- b) nuk është në proces falimentimi (status aktiv);
- c) nuk është dënuar për ndonjë vepër penale, në përputhje me nenin 76/1 të LPP-së;
- ç) personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik, nuk është i dënuar ose nuk ka qenë i dënuar nga një vendim i gjykatës i formës së prerë për çdo vepër penale, të përcaktuar në nenin 76/1 të LPP-së;
- d) nuk është dënuar me vendim gjyqësor të formës së prerë në lidhje me veprimtarinë profesionale; dhe nuk ka pagesa pashlyera të taksave dhe kontributeve të sigurimeve shoqërore, ose ndodhet në një prej kushteve të parashikuara në nenin 76/2 të LPP-së;
- e) ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.
- f) nuk është në kushtet e konfliktit të interesit, sipas legjislacionit në fuqi;
- g) ushtron veprimtarinë në përputhje me legjislacionin përkatës mjedisor, social dhe të punës;
- gj) ka paraqitur një Ofertë të pavarur, sipas kërkesave të legjislacionit në fuqi;
- h) kryen aktivitetin në përputhje me kërkesat e legjislacionit në fuqi.
- i) nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrëse ose kontrolluese brenda tij persona të cilët janë/kanë qenë

në këtë cilësi në një operator ekonomik të përjashtuar nga e drejta për të përfituar fonde publike, me vendim të Agjencisë së Prokurimit Publik, gjatë kohës që ky vendim është në fuqi.

Nëse gjuha e përdorur në procedurë është gjuha shqipe, atëherë dokumentet e gjuhës së huaj duhet të shoqërohen nga një përkthim i noterizuar në shqip.

Këto kritere duhet të përmbushen me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas Shtojcës 8.

Në rast bashkimi të operatorëve ekonomikë, secili anëtar i grupit duhet të paraqesë Vetëdeklarimin e lartpërmendur.

Në rast se operatori ekonomik ofertues do të mbështetet në kapacitetet e subjekteve të tjera, Vetëdeklarimi i lartpërmendur duhet të paraqitet edhe nga subjekti mbështetës.

Kriteret e Përgjithshme të Pranimit nuk duhet të ndryshohen nga Autoritetet/Entet Kontraktore.

Në çdo rast, Autoriteti/Enti Kontraktor ka të drejtë të kryejë verifikimet e nevojshme për vërtetësinë e informacionit të deklaruar nga Operatori Ekonomik, për sa më sipër.

Nëse oferta paraqitet nga një bashkim Operatorësh Ekonomikë, do të paraqitet :

- Marrëveshje bashkëpunimi ndërmjet Operatorëve Ekonomikë, ku caktohet përfaqësuesi, përqindja e pjesëmarrjes në bashkim, dhe elementët që merr përsipër të realizojë secili prej anëtarëve të bashkimit.
- Nëse, një operator ekonomik dëshiron të mbështetet në kapacitetet e subjekteve të tjera, ai i vërteton autoritetit ose entit kontraktor se do të ketë në dispozicion burimet e nevojshme, duke dorëzuar një angazhim me shkrim të këtyre subjekteve për këtë qëllim.

2. KRITERET E VEÇANTA TË KUALIFIKIMIT

1. Ofertuesi duhet të paraqesë:

- a. Formularin Përmbledhës të Vetëdeklarimit, sipas Shtojcës 9;
- b. Sigurimin e Ofertës, sipas Shtojcës 4;

Argumentimi: Kërkesat e mësipërme bazohen në nenet 76, 82 dhe 83 të LPP, dhe nenin 26, të VKM nr. 285, datë 19.05.2021 “Për miratimin e rregullave të prokurimit publik”.

2. Ofertuesi duhet të paraqesë:

2.1 Përshtatshmëria për të kryer veprimtarinë profesionale:

Fusha e veprimtarisë së operatorit ekonomik ofertues duhet të jetë në përputhje me objektin e prokurimit.

Argumentimi: Kërkesa e mësipërme bazohet në nenin 77, pika 1/a dhe 2, të LPP, nenin 39, pika 6/b, të VKM nr. 285, datë 19.05.2021, “Për miratimin e rregullave të prokurimit publik”.

2.2 Kapaciteti ekonomik dhe financiar:

2.2.1. Për të provuar se operatorët ekonomikë kanë kapacitetin e nevojshëm ekonomik dhe financiar për të zbatuar kontratën, duhet të paraqesin vërtetim për xhiros vjetore për vitet financiare (2023, 2024, 2025), ku vlera e xhiros për të paktën një nga vitet e periudhës së kërkuar duhet të jetë **jo më e vogël se 40% e vlerës e fondit limit të objektit që prokurohet**. Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/entikontraktor.

Argumentimi: Kërkesa e mësipërme është përcaktuar bazuar në nenin 77, pika 3, të Ligjit nr.162/2020 "Për Prokurimin Publik" si dhe nenin 43 të VKM nr.285, datë 19.05.2021 "Për miratimin e rregullave të prokurimit publik". Vlera e kërkuar e xhiros, në masën 40% të fondit limit, është në përpjesëtim me natyrën dhe përmasat e kontratës, duke qenë se objekti i prokurimit përfshin furnizimin, transportin, montimin, vënien në punë dhe testimin e dy kaldajave të plota me sistemet ndihmëse përkatëse. Kjo kërkesë synon të sigurojë që operatori ekonomik disponon kapacitetet e nevojshme financiare për përmbushjen me sukses të kontratës.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në Nenin 43, pika 1 të VKM nr. 285, datë 19.05.2021 "Për Miratimin e Rregullave të Prokurimit Publik" ku përcaktohet se: "Autoriteti/enti kontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik dhe, sipas rastit të xhiros që mbulon kontrata, për një periudhë maksimumi deri në 3 (tre) vitet e fundit financiare".

2.2.2. Operatorët ekonomikë duhet të paraqesin kopje të bilanceve të viteve (2023, 2024, 2025) të konfirmuara nga autoritetet tatimore. Në rast se operatori ekonomik është në kushtet e përcaktimeve të nenit 41, të ligjit Nr.10091, datë 05.03.2009 të ndryshuar, atëherë bilancet duhet të shoqërohen edhe me raportet e auditimit ligjor të pasqyrave financiare vjetore, të kryera, nga auditues ligjorë ose shoqëri audituese.

Kriteri konsiderohet i përmbushur nëse në dy bilancet e njëpasnjëshme të kërkuara, nuk ka raport negative ndërmjet aktivitetit dhe pasivit.

Argumentimi: Kërkesa e mësipërme është përcaktuar bazuar në nenin 77, pika 3, e LPP, si dhe nenit 43, pika 4, të VKM nr. 285, datë 19.05.2021 "Për miratimin e rregullave të prokurimit publik", për të vërtetuar një aktivitet pozitiv të qëndrueshëm.

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, ligjit nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 "Për kontabilitetin dhe pasqyrat financiare". Referuar në nenin 29 të Ligjit Nr. 8438, datë 28.12.1998 "Për tatimin mbi të ardhurat tatimore: "Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njëjtën kohë bilancin kontabël, së bashku me anekset e tij, si dhe çdo të dhënë tjetër të përcaktuar në udhëzimin e Ministrit të Financave në zbatim të këtij ligji.

Kërkesa që në dy bilance të njëpasnjëshme të mos rezultojë raport negativ ndërmjet aktivitetit dhe pasivit garanton që operatori ekonomik ushtron aktivitet të qëndrueshëm financiar dhe ka aftësi reale për përmbushjen e detyrimeve kontraktore gjatë zbatimit të kontratës.

2.3 Kapaciteti teknik:

2.3.1. Operatori ekonomik duhet të paraqesë dëshmi për furnizimet e mëparshme të ngjashme të kryera gjatë 3 (tre) viteve të fundit nga data e shpalljes së njoftimit të kontratës, në vlerën jo më pak se 20 % e vlerës së fondit limit. Këto furnizime të mëparshme, të ngjashme, duhet të vërtetohen me dokumentacionin si më poshtë:

- a) Kur furnizimet e ngjashme janë realizuar me ente publike, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasinë e mallrave të furnizuara.

- b) Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Argumentimi: Ky kriter është vendosur në mbështetje të nenit 77 të Ligjit nr.162/2020 dhe nenit 55, pika 4, b të VKM nr.285/2021. Furnizimi dhe instalimi i kaldajave me gaz përfshin procese teknike të specializuara që lidhen me impiante termike, sisteme nën presion dhe pajisje me kërkesa të larta sigurie. Për këtë arsye, operatori ekonomik duhet të provojë se ka realizuar më parë kontrata të ngjashme në një vlerë jo më të vogël se 20% e fondit limit, duke garantuar njohuritë teknike dhe eksperiencën e nevojshme për realizimin e kontratësobjektprokurimi.

2.3.2. Dëshmitë për mjetet dhe pajisjet teknike, që ka në dispozicion apo mund ti vihen në dispozicion operatorit ekonomik, që nevojiten për ekzekutimin e kontratës.

- **Kamion veteshkarkues (8 deri në 10 ton)** cope 1 (nje)

Shoqeria duhet të disponojë kamion veteshkarkues për arsye se do të kryej grumbullimin dhe transportimin e materialeve ndërtimore si rëre, çimento, hekur, dhera të germuara për vendsetjen nëntokësore të rezervuarve të gazit, transporti i rezervuarve të gazit, kaldajave dhe materialeve të tjera të nevojshme për realizimin e procedurës.

- **Betoniere** cope 1 (nje)

Shoqeria duhet të disponojë betoniere për përgatitjen e betonit në cilën do të ankorohen rezervuarët e gazit gjithashtu dhe për rehabilitimin e ambienteve teknike që do të krijohen si pasoje e prishjeve duke e përfshirë me ambientin fillestar.

- **Depozite uji** cope 1 (nje)

Përpara dorëzimit të punës, sipas rregullave të instalimit të impianteve nën presion duhet të bëhet prova hidraulike për të provuar hermeticitetin e impiantit prandaj është e nevojshme që shoqeria duhet të jetë e pajisur me depozite uji e cila nevojitet në momentin kur të shkarkohet impianti.

- **Pompe uji** cope 1 (nje)

Përpara dorëzimit të punës sipas rregullave të instalimit të impianteve nën presion duhet të bëhet prova hidraulike për të provuar hermeticitetin e impiantit ndaj është e nevojshme që shoqeria duhet të jetë e pajisur me pompe uji për realizimin e procedurës.

- **Vibrator betoni** cope 1 (nje)

Për arsye se rezervuarët e gazit sipas projektit janë të ankoruar mbi armaturë betoni.

- **Saldatrice që të punojë në TIG dhe Elektrod** cope 1 (nje)

Duke patur parasysh natyrën e punës ku rrjeti i tubacioneve të gazit dhe rrjeti i ujit të ngrohjes do të punojë nën presion gjë e cila ka rrezikshmëri të lartë duke ju referuar standarteve kombëtare dhe ndërkombëtare rekomandohet që saldimet pra bashkimi i tubave të bëhen saldime me TIG ose Elektrod kjo gjë e përcaktuar dhe në projektin teknologjik.

- **Troko** cope 1 (nje)

Duke patur parasysh natyren e punes qe ka te bej me prerjen u tobove metalik per tubacionet e gazit dhe tubat e uje te ngrohte dhe rikthimet ka shume prerje dhe per kete arsye duhet troko.

- Per shoferin/manovratorin duhet te paraqiten dokument (dëshmi kualifikimi profesional), që të vërtetojë kualifikimin profesional të kërkuar, referuar rregullores “Për kushtet, kriteret dhe programet për përgatitjen teoriko-praktike të kandidatëve, si dhe dhënien e Dëshmisë së Aftësisë Profesionale për përdoruesit e makinerive të rënda për punime ndërtim dhe toke, si dhe disiplinimi i përdorimit të tyre”, miratuar me urdhërin nr. 200, datë 16.5.2019, të Ministrit të Infrastrukturës dhe Energjitikës.

Shenim: Kur mjetet jane marre me qira nga persona fizik te cilat jane ne pronesi te ketyre te fundit, dhe punesohen prane shoqerise si shofer/manovrator nuk ka nevojte te figurojne ne listepagesat perkatese te O.E.

Ofertuesi për makineritë, të cilat janë në pronësi dhe/ose me qera, duhet të paraqesë, dokumentacionin e mëposhtem:

- Lejen e qarkullimit.
- Certifikatat e pronësisë,
- Siguracionin e mjetit.
- Kolaudimin,
- Certifikatë transporti
- Fotografi të mjetit te paraqitura. (të cilat duhet të jenë në emër të shoqërisë ose në emër të qeradhënësit) .

Për mjetet dhe pajisjet te cilat nuk kanë leje qarkullimi, Ofertuesi duhet të paraqesë:

- kontratë noteriale të blerjes,
- ose fatura tatimore të blerjes ose dokumenta zhdoganimit të mjetit.

Pranohet marrja me qera ose huapërdorje e mjeteve të mësipërme, me kusht që kontrata e qeramarrjes ose huapërdorjes të jetë bërë para noterit, me afat vlefshmërie brenda afatit të zbatimit të punimeve për këtë objekt.

- a) Për mjetet që shënohen në regjistra publikë duhet të paraqitet dokumenti që vërteton regjistrimin e mjetit, , leje qarkullimi, plus certifikatën e kontrollit teknik , siguracionin e mjetit (të vlefshme), dhe për mjetet e siguruara me qera, dokumenti që vërteton regjistrimin e tij, leje qarkullimi, plus certifikatën e kontrollit teknik, siguracionin e mjetit,(të vlefshme) , të shoqëruar me kontratën përkatëse të qerasë/furnizimit noteriale,, e vlefshme për të gjithë periudhën e realizimit të kontratës objekt i këtij prokurimi.*
- b) Për mjetet që nuk shënohen në regjistra publike duhet të paraqiten dokumentat që vërtetojnë pronësinë e tyre.*
- c) Autoriteti Kontraktor rezervon të drejtën të verifikojë dhe kontrollojë në çdo kohë deri në përfundimin e kontratës mjetet e pajisjet teknike të deklaruar (Deklaratë nga administratori i shoqërisë ofertuese).*

Argumentimi: Në mbështetje të nenit 77 të Ligjit nr. 162/2020 “Për Prokurimin Publik” dhe nenit 40 të VKM nr. 285, datë 19.05.2021, i ndryshuar, Autoriteti Kontraktor ka kërkuar që operatorët ekonomikë të disponojnë ose të kenë në dispozicion mjetet dhe pajisjet teknike të nevojshme për realizimin e kontratës.

Objekti i prokurimit parashikon furnizimin, transportin, shkarkimin, instalimin, montimin, testimin dhe vënien në funksion të sistemit të furnizimit me gaz, duke përfshirë rezervuarët e gazit, rrjetin e tubacioneve, pajisjet e ngrohjes dhe elementët ndihmës të sistemit. Për realizimin e këtyre proceseve kërkohet disponimi i mjeteve dhe pajisjeve teknike specifike, të cilat garantojnë transportin e sigurt të mallrave, instalimin sipas projektit dhe kryerjen e provave teknike të detyrueshme përpara dorëzimit.

Konkretisht:

- **Kamioni vetëshkarkues** kërkohet për transportin dhe shkarkimin e rezervuarëve, kaldajave dhe materialeve ndihmëse të nevojshme për instalimin e sistemit.
- **Betonierja dhe vibratori i betonit** kërkohen për realizimin e bazamenteve ose elementëve mbështetës ku parashikohet vendosja dhe ankorimi i rezervuarëve sipas projektit teknik.
- **Depozita e ujit dhe pompa e ujit** kërkohen për kryerjen e provave hidraulike të impiantit, të cilat janë të domosdoshme për verifikimin e hermeticitetit, rezistencës dhe sigurisë së rrjetit përpara vënies në funksion.
- **Saldatricja TIG dhe me elektrodë** kërkohet për realizimin e saldimeve të tubacioneve të gazit dhe elementëve metalikë sipas specifikimeve teknike dhe standardeve të sigurisë.
- **Trokoja** kërkohet për prerjen dhe përpunimin e tubacioneve dhe elementëve metalikë gjatë instalimit të sistemit.

Kërkesa për paraqitjen e dokumentacionit që provon pronësinë ose disponueshmërinë e mjeteve, si dhe kualifikimin e drejtuesve/manovratorëve të tyre, është e nevojshme për të garantuar se operatori ekonomik disponon kapacitetet teknike reale për realizimin e kontratës sipas kërkesave të dokumenteve të tenderit dhe brenda afateve të zbatimit.

Autoriteti Kontraktor gjykon se numri dhe lloji i mjeteve të kërkuara janë në raport të drejtë me natyrën dhe kompleksitetin e kontratës dhe nuk krijojnë kufizime të pajustificuara të konkurrencës, pasi janë minimumi i nevojshëm për realizimin e furnizimit me instalim dhe vënie në punë të objekteve të kontratës.

2.3.3. Në lidhje me fuqinë punëtore operatori ekonomik duhet të ketë minimalisht një numër prej **10 (dhjetë)** punonjës, të cilët duhet të figurojnë në listpagesat e shoqërisë për muajin e fundit të deklaruar nga data e hapjes së ofertave vërtetuar me:

- a. Vërtetim të lëshuar nga Administrata Tatimore për muajin e fundit të deklaruar nga data e hapjes së ofertave.
- b. Listpagesat e punonjesve të konfirmuara nga autoritetet perkatese sipas formatit që kerkohet nga legjislacioni në fuqi për muajin e fundit të deklaruar.

Shënim: Kjo kërkesë përmbushet nëpërmjet plotësimit dhe paraqitjes nga operatorët ekonomikë të formularit përmbledhës të vetëdeklarimit, sipas shtojcës 8 të DST. Dokumentacioni provues do të paraqitet nga ofertuesi i kualifikuar në vend të parë, pranë autoritetit kontraktor, përpara publikimit të njoftimit të fituesit dhe nisjes së afateve të ankimit, ose nëse do të jetë nevojë për tu kërkuar sqarime nga AK.

- Operatori ekonomik duhet të ketë në stafin e tij të pasqyruar në listëpagesa për muajin e fundit të pajisur me dëshmi kualifikimi nga Inspektorati Shtetëror Teknik dhe Industrial (ish IQT ose ekuivalentet e tij) dhe kontrata e punës e vlefshme
 - Elektriciste 2 (dy)
 - Hidraulike 2 (dy)
 - Puntore të thjeshte 3 (tre)

➤	Specialist Gazi dhe Kaldaje	2 (nje)
➤	Manovrator/shofer	1 (nje)

- **Për punonjësit specialist Gazi dhe Kaldaje** duhen të jenë të pajisur me Dëshmi Aftësie për enët nën presion konkretisht për kaldajat dhe për instalimin e rezervuarëve me të vogël se 13 m³ GLN kjo gjë konform ligjit 32/2016.
- **Për puntoret e thjeshtë** nuk kërkohej asnjë dokument kualifikimi përveç prezencës në listpagese për periudhën e kërkuar dhe kontratën e punës të vlefshme.

Argumentimi: Në mbështetje të nenit 77 të Ligjit nr. 162/2020 “Për Prokurimin Publik” dhe nenit 40 të VKM nr. 285, datë 19.05.2021, i ndryshuar, Autoriteti Kontraktor ka përcaktuar kërkesa mbi kapacitetin teknik dhe profesional të operatorëve ekonomikë, me qëllim garantimin e realizimit të kontratës sipas specifikimeve teknike, standardeve të sigurisë dhe afateve të parashikuara.

Objekti i prokurimit nuk konsiston vetëm në furnizimin e pajisjeve, por edhe në transportin, shkarkimin, instalimin, montimin, testimin dhe vënien në funksion të sistemit të furnizimit me gaz, rezervuarëve, kaldajave dhe rrjeteve përkatëse. Për këtë arsye është e nevojshme që operatori ekonomik të disponojë një numër minimal prej 15 punonjësish, të cilët sigurojnë kapacitetin e nevojshëm organizativ dhe teknik për realizimin e kontratës. Numri minimal i punonjësve është përcaktuar bazuar në natyrën dhe kompleksitetin e furnizimit dhe përfshin:

- **2 elektrikistë**, të nevojshëm për realizimin e lidhjeve elektrike, instalimin dhe vënien në funksion të pajisjeve elektrike të sistemit;
- **2 hidraulikë**, të nevojshëm për montimin dhe lidhjen e rrjeteve hidraulike, tubacioneve dhe pajisjeve përkatëse;
- **2 specialistë gazi dhe kaldajash**, të nevojshëm për instalimin, testimin dhe vënien në punë të impiantit të gazit dhe pajisjeve nën presion, në përputhje me legjislacionin dhe standardet teknike në fuqi;
- **1 manovrator/shofer**, i nevojshëm për operimin e mjeteve dhe pajisjeve mekanike të përdorura gjatë transportit, shkarkimit dhe vendosjes së pajisjeve;
- **3 punëtorë të thjeshtë**, të nevojshëm për kryerjen e proceseve ndihmëse të transportit, montimit dhe sistemit të elementeve të furnizimit.

Kërkesa që specialistët e gazit dhe kaldajave të jenë të pajisur me Dëshmi Aftësie për enët nën presion, në përputhje me Ligjin nr. 32/2016 “Për garantimin e sigurisë së punës së pajisjeve dhe instalimeve nën presion”, është vendosur për shkak se objekti i kontratës përfshin instalimin dhe vënien në funksion të rezervuarëve të GLN-së dhe kaldajave, të cilat konsiderohen pajisje me risk të lartë dhe kërkojnë personel të certifikuar. Kërkesa për paraqitjen e listëpagesave dhe dokumentacionit përkatës synon të verifikojë disponueshmërinë reale të burimeve njerëzore dhe të shmangë angazhimin formal të personelit pa lidhje efektive me operatorin ekonomik. Autoriteti Kontraktor vlerëson se numri dhe profilet e personelit të kërkuar janë në përpjesëtim të drejtë me natyrën, vëllimin dhe kompleksitetin e kontratës dhe përfaqësojnë minimumin e nevojshëm për realizimin me sukses të furnizimit, instalimit dhe vënies në funksion të objektit të prokurimit, pa krijuar kufizime të pajustifikuara të konkurrencës.

2.3.4. Shoqeria duhet të ketë në stafin e saj drejtues (në licensën e shoqërisë):

- ✓ Inxhinier Naftë dhe gaz 1(një)
- ✓ Inxhinier Mekanik 1(një)

Duke qene se do te instalohet nje sistem i furnizimit me gaz GLN (Gaz i lengezuar i Naftes) per te shmangur rreziqet e mundshme ne lidhje me kushtet e instalimit te impiantit dhe rezervuarit te gazit duhet **1 (një) Inxhinier Naftë dhe Gaz** i pajisur me certifikatën e lejes profesionale sipas kërkesave të VKM nr. 551, datë 18.06.2015, *“Për miratimin e kriterëve dhe të procedurave për pajisjen me certifikatën e lejes profesionale për veprimtaritë studimore-projektuese dhe zbatuese për kërkimin, prodhimin, përpunimin, transportimin, depozitimin dhe tregtimin e lëndëve hidrokarbure”*, i ndryshuar. Në mbështetje të nenit 100 të Kushtetutës dhe të pikës 5, të nenit 4, të ligjit nr. 9946, datë 30.6.2008, *“Për sektorin e gazit natyror”*, të ndryshuar, me propozimin e ministrit të Energjisë dhe Industrisë, Këshilli i Ministrave.

Kërkesa për disponimin e **1 (një) Inxhinieri Mekanik** është e nevojshme pasi objekti i prokurimit përfshin furnizimin dhe vendosjen e pjeseve te rendesisme, (djegesit) te kaldajës me gaz, linjave të furnizimit, pajisjeve dhe aksesorëve përkatës, të cilët në tërësi përbëjnë një impiant mekanik. Për realizimin e punimeve sipas standardeve teknike, garantimin e funksionimit të sigurt të impiantit dhe mbikëqyrjen profesionale të zbatimit të instalimeve mekanike, prania e këtij specialisti konsiderohet e domosdoshme. *Bazuar kjo kërkesë në VKM nr. 759 datë 12.11.2014 “Për licencimin profesional të individëve dhe subjekteve juridike që do të ushtrojnë veprimtari në fushën e studimit e të projektimit në ndërtim dhe mbikëqyrjes e kolaudimit të punimeve të zbatimit në ndërtim”*, i ndryshuar.

- Operatori ekonomik duhet të paraqesë një deklaratë të nënshkruar nga administratori i shoqërisë, me anë të së cilës deklaron se specialistët e mësipërm janë të disponueshëm për realizimin e kontratës objekt prokurimi dhe do të angazhohen gjatë gjithë periudhës së zbatimit të saj.

Argumentimi: Në mbështetje të nenit 77 të Ligjit nr. 162/2020 “Për Prokurimin Publik” dhe nenit 40 të VKM nr. 285, datë 19.05.2021, i ndryshuar, Autoriteti Kontraktor ka përcaktuar kërkesat lidhur me kapacitetin teknik dhe profesional të operatorëve ekonomikë, me qëllim garantimin e realizimit të kontratës në përputhje me specifikimet teknike, standardet e sigurisë dhe legjislacionin në fuqi. Objekti i prokurimit përfshin furnizimin, transportin, instalimin, testimin dhe vënien në funksion të një sistemi furnizimi me GLN (Gaz i Lëngëzuar i Naftës), i cili përbëhet nga rezervuarë të gazit, rrjete tubacionesh, kaldaja dhe pajisje të tjera mekanike dhe teknologjike. Për shkak të karakterit specifik dhe rrezikshmërisë së instalimeve të gazit, Autoriteti Kontraktor ka vlerësuar të nevojshme që operatori ekonomik të disponojë në stafin drejtues të pasqyruar në licencën e shoqërisë specialist si inxhinier Naftë dhe gaz dhe Inxhinierin Mekanik. Kërkesa për disponimin e një Inxhinieri Naftë dhe Gaz është e domosdoshme pasi objekti i kontratës lidhet drejtpërdrejt me instalimin dhe vënien në funksion të impianteve që përdorin GLN, përfshirë rezervuarët e depozitimit, sistemet e shpërndarjes dhe pajisjet ndihmëse. Ky specialist garanton zbatimin e kërkesave teknike dhe të sigurisë gjatë instalimit, testimit dhe funksionimit të impiantit, në përputhje me legjislacionin dhe standardet përkatëse të sektorit të hidrokarbureve. Kjo kërkesë mbështetet në VKM nr. 551, datë 18.06.2015, *“Për miratimin e kriterëve dhe të procedurave për pajisjen me certifikatën e lejes profesionale për veprimtaritë studimore-projektuese dhe zbatuese për kërkimin, prodhimin, përpunimin, transportimin, depozitimin dhe tregtimin e lëndëve hidrokarbure”*, si dhe në dispozitat e Ligjit nr. 9946, datë 30.06.2008 *“Për sektorin e gazit natyror”*, të ndryshuar. Kërkesa për disponimin e një Inxhinieri Mekanik është e nevojshme pasi objekti i prokurimit përfshin furnizimin dhe instalimin e kaldajave me gaz, rezervuarëve, pajisjeve mekanike, rrjeteve të tubacioneve dhe aksesorëve përkatës, të cilët në tërësinë e tyre përbëjnë një impiant mekanik. Ky specialist është përgjegjës për mbikëqyrjen profesionale të proceseve të montimit, kontrollin e përputhshmërisë me projektin teknik dhe garantimin e funksionimit të sigurt dhe efikas të sistemit. Kjo kërkesë mbështetet në VKM nr. 759, datë 12.11.2014 *“Për licencimin profesional të individëve*

dhe subjekteve juridike që ushtrojnë veprimtari në fushën e studimit e projektimit në ndërtim dhe mbikëqyrjes e kolaudit të punimeve të zbatimit në ndërtim”, të ndryshuar.

Kërkesa që specialistët e mësipërm të jenë pjesë e stafit drejtues të shoqërisë dhe të deklarohen si të disponueshëm për realizimin e kontratës synon të garantojë se operatori ekonomik disponon kapacitetet profesionale të nevojshme për menaxhimin, koordinimin dhe zbatimin korrekt të të gjitha proceseve që lidhen me furnizimin dhe instalimin e sistemit të gazit. Për rrjedhojë, Autoriteti Kontraktor vlerëson se kërkesa për 1 (një) Inxhinier Naftë dhe Gaz dhe 1 (një) Inxhinier Mekanik është në përpjesëtim të drejtë me natyrën, kompleksitetin dhe kërkesat e kontratës dhe përbën minimumin e nevojshëm profesional për garantimin e realizimit me sukses të objektit të prokurimit.

3.3.5 Operatori ekonomik duhet të paraqesë certifikatën si më poshtë:

- a) Certifikatën SSH/DIN/EN/UNI ISO 45001:2018 e përditësuar, (SSH/DIN/EN/UNI ISO 45001 – 2023) e vlefshme/ ose ekuivalent (Mbi Sistemet e menaxhimit të shëndetit dhe sigurisë të punëtorëve në punë ose ekuivalent). Certifikata të jetë lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë

Në rastet e Bashkimit të Operatorëve ekonomik, çdo anëtar i bashkimit duhet të paraqesë certifikatën e mësipërme.

Pranohet dhe paraqitja e standardeve shqiptare SSH/DIN/EN/UNI mbi konformitetin e standardeve europiane dhe të lëshuara nga organizma të vlerësimit të konformitetit të akredituara në Republikën e Shqipërisë.

Argumentimi: Në mbështetje të nenit 77 të Ligjit nr. 162/2020 “Për Prokurimin Publik” dhe nenit 40 të VKM nr. 285, datë 19.05.2021, i ndryshuar, Autoriteti Kontraktor ka kërkuar që operatorët ekonomikë të disponojnë një sistem të certifikuar të menaxhimit të shëndetit dhe sigurisë në punë, të vërtetuar nëpërmjet paraqitjes së certifikatës SSH/DIN/EN/UNI ISO 45001:2018 (ose versionit të përditësuar SSH/DIN/EN/UNI ISO 45001:2023), ose ekuivalentit të saj. Objekti i këtij prokurimi përfshin jo vetëm furnizimin e pajisjeve, por edhe transportin, shkarkimin, instalimin, testimin dhe vënien në funksion të një sistemi furnizimi me GLN (Gaz i Lëngëzuar i Naftës), rezervuarëve të gazit, kaldajave dhe pajisjeve të tjera të lidhura me impiante që operojnë nën presion. Këto procese shoqërohen me rreziqe të shtuara për shëndetin dhe sigurinë e punonjësve, duke përfshirë punimet me pajisje nën presion, saldimin e tubacioneve, operimin e pajisjeve mekanike, si dhe manipulimin e lëndëve me potencial rreziku. Për këtë arsye, Autoriteti Kontraktor gjykon se disponimi i një sistemi të certifikuar të menaxhimit të shëndetit dhe sigurisë në punë përbën një garanci objektive që operatori ekonomik zbaton procedura dhe masa të organizuara për identifikimin, vlerësimin dhe minimizimin e rreziqeve në punë, si dhe për mbrojtjen e personelit të angazhuar në realizimin e kontratës. Kjo kërkesë është në përputhje me legjislacionin e prokurimit publik, pasi lidhet drejtpërdrejt me natyrën e objektit të kontratës, nivelin e riskut që paraqesin aktivitetet e instalimit dhe vënies në funksion të impianteve të gazit, si dhe nevojën për të garantuar realizimin e kontratës sipas standardeve të sigurisë dhe cilësisë. Kërkesa që certifikata të jetë lëshuar nga një organ i vlerësimit të konformitetit i akredituar nga organizmi kombëtar i akreditimit ose nga organizma ndërkombëtarë akreditues të njohur nga Republika e Shqipërisë, synon të sigurojë vlefshmërinë dhe besueshmërinë e certifikimit të paraqitur. Në rastet e Bashkimit të Operatorëve Ekonomikë, paraqitja e certifikatës nga secili anëtar i bashkimit është e nevojshme pasi secili prej tyre merr pjesë në realizimin e kontratës dhe duhet të garantojë standardet e kërkuara të shëndetit dhe sigurisë në punë për aktivitetet që do të kryejë.

Për rrjedhojë, Autoriteti Kontraktor vlerëson se kërkesa për paraqitjen e certifikatës ISO 45001:2018 / ISO 45001:2023 ose ekuivalente është proporcionale, e lidhur ngushtë me objektin e prokurimit dhe e nevojshme

për të garantuar realizimin e kontratës në kushte sigurie, në mbrojtje të punonjësve, përdoruesve të objektit dhe interesit publik.

Argumentimi i Specifikimeve Teknike

Në zbatim të nenit 36 dhe nenit 77 të Ligjit nr. 162/2020 "Për Prokurimin Publik", si dhe nenit 40 të VKM nr. 285, datë 19.05.2021, i ndryshuar, specifikimet teknike janë hartuar mbi bazën e projektit teknologjik të përgatitur nga projektues i licencuar dhe preventivit përkatës, me qëllim garantimin e furnizimit, transportit, instalimit, testimit dhe vënies në funksion të impiantit të furnizimit me GLN dhe sistemit të ngrohjes së objektit. Kërkesat e përcaktuara përfaqësojnë parametrat minimalë teknikë të nevojshëm për realizimin e kontratës dhe nuk kanë si qëllim kufizimin e konkurrencës apo favorizimin e operatorëve ekonomikë të veçantë.

KAPITULLI I

Depozitë GLN nëntokësore horizontale 1750 litra

Specifikimet teknike për depozitën nëntokësore horizontale GLN me kapacitet nominal jo më pak se 1750 litra janë përcaktuar në funksion të garantimit të kapacitetit të nevojshëm të furnizimit me gaz të sistemit të ngrohjes dhe për sigurimin e funksionimit të vazhdueshëm të kaldajave sipas kërkesave të objektit. Kapaciteti i kërkuar është përcaktuar në përputhje me konsumin e parashikuar të impiantit dhe nevojat operative të objektit, duke siguruar rezervë të mjaftueshme karburanti për funksionim normal gjatë sezonit të ngrohjes. Kërkesat për material ndërtimi prej çeliku karboni për enë nën presion, presion pune minimal 17.5 bar, markim CE dhe prodhim sipas Direktivës PED 2014/68/EU ose ekuivalente janë vendosur për të garantuar sigurinë në përdorim, rezistencën mekanike, qëndrueshmërinë në kohë dhe përputhshmërinë me standardet ndërkombëtare të pajisjeve nën presion. Kërkesa për mbrojtje antikoroze është e domosdoshme për shkak të instalimit nëntokësor të depozitës, me qëllim rritjen e jetëgjatësisë së pajisjes dhe minimizimin e kostove të mirëmbajtjes. Pajisja me valvul sigurie, tregues niveli, manometër, valvul mbushjeje, valvul shkarkimi, valvul emergjence dhe sistem tokëzimi është kërkesë funksionale dhe sigurie, e nevojshme për monitorimin e parametrave të punës, kontrollin e procesit të furnizimit dhe garantimin e mbrojtjes së personelit dhe të ambienteve ku do të instalohet sistemi. Kërkesa për certifikatë konformiteti, dokumentacion teknik dhe garanci minimale 24 muaj është përcaktuar për të siguruar gjurmueshmërinë e pajisjes, verifikimin e parametrave teknikë dhe mbulimin e defekteve të mundshme gjatë periudhës së garancisë.

KAPITULLI II

Djegës për kaldajë GLN me fuqi 350-610 kW

Specifikimet teknike për djegësin GLN me fuqi termike të rregullueshme nga 350 kW deri në 610 kW janë përcaktuar duke u bazuar në karakteristikat teknike dhe fuqinë e kërkuar të kaldajës ekzistuese ku do të instalohet pajisja. Intervali i fuqisë është përcaktuar për të garantuar funksionimin në kushtet optimale të ngarkesës termike të objektit dhe për të siguruar eficiencë energjetike gjatë të gjithë ciklit të funksionimit. Kërkesat për kontroll elektronik të flakës, nisje automatike, modulim automatik të fuqisë dhe ventilator të integruar janë të nevojshme për funksionim të sigurt, menaxhim eficient të procesit të djegies dhe optimizim të konsumit të karburantit. Sistemi i sigurisë për ndërprerjen automatike të furnizimit me gaz në rast anomalie është kërkesë esenciale për mbrojtjen e jetës dhe shëndetit të përdoruesve, si dhe për eliminimin e rrezikut të incidenteve që mund të shkaktohen nga rrjedhje apo defekte të sistemit. Markimi CE, dokumentacioni teknik dhe garancia minimale 24 muaj kërkohen për të garantuar konformitetin me standardet evropiane të sigurisë dhe cilësisë, si dhe për të siguruar mbështetjen teknike gjatë periudhës së përdorimit.

KAPITULLI III

Djegës për kaldajë GLN me fuqi 110-250 kW

Specifikimet teknike të djegësit GLN me fuqi termike nga 110 kW deri në 250 kW janë përcaktuar në përputhje me kapacitetin dhe karakteristikat teknike të sistemit të ngrohjes ku do të integrohet pajisja. Kufijtë e përcaktuar të fuqisë sigurojnë përputhshmëri me kërkesat termike të objektit dhe mundësojnë funksionim ekonomik, duke shmangur mbingarkesën ose nënshfrytëzimin e pajisjes. Kërkesat për kontroll automatik të djegies, kontroll elektronik të flakës, ventilator të integruar, valvola sigurie për gazin dhe nisje automatike janë të domosdoshme për garantimin e sigurisë së impiantit, stabilitetit të procesit të djegies dhe reduktimit të rrezikut operacional. Markimi CE dhe përputhshmëria me standardet evropiane për pajisjet e ngrohjes me gaz sigurojnë që pajisja të jetë prodhuar dhe testuar sipas standardeve të njohura ndërkombëtare të sigurisë dhe performancës. Kërkesa për manual përdorimi, dokumentacion teknik dhe garanci minimale 24 muaj është vendosur për të garantuar përdorimin e sigurt, mirëmbajtjen korrekte dhe mbulimin e defekteve të mundshme gjatë periudhës së garancisë.

Autoriteti Kontraktor vlerëson se specifikimet teknike të mësipërme janë në përpjesëtim të drejtë me natyrën, vëllimin dhe kompleksitetin e objektit të prokurimit, janë të lidhura drejtpërdrejt me realizimin e kontratës dhe përfaqësojnë kërkesat minimale të nevojshme për furnizimin, instalimin dhe vënien në funksion të sistemit të furnizimit me GLN dhe sistemit të ngrohjes, pa kufizuar konkurrencën dhe duke lejuar ofertimin e produkteve dhe pajisjeve ekuivalente që përmbushin ose tejkalojnë parametrat e kërkuar.

Të gjitha dokumentet duhet të jenë origjinale ose kopje të noterizuara.

Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.

NJËSIA E PROKURIMIT:

Kristina Zaçellari

Sonjela Zguri

Marsela Tërova